

NEWSLETTER

2018.

august



FONDACIJA
HASTOR



OSNIVAČ FONDACIJE HASTOR DOBITNIK NAGRADA POČASNO SRCE SARAJEVA

srce Sarajeva

Zahvaljujući svom dugogodišnjem djelovanju, g. Nijaz Hastor osvojio je srca mnogobrojnih bh. građana svih generacija, a početkom mjeseca augusta zvanično „osvaja“ i srce Sarajeva. Naime, na svečanom otvorenju 24. Sarajevo Film Festivala osnivaču naše fondacije uručena je nagrada Počasno srce Sarajeva. Ova nagrada dodijeljena je gospodinu Hastoru u znak priznanja za kontinuiranu podršku razvoju Sarajevo Film Festivala te za izuzetan doprinos afirmaciji i razvoju filmske umjetnosti u jugoistočnoj Europi.

Nijaz Hastor je jedan od najuspješnijih poduzetnika u Evropi, osnivač je Fondacije Hastor te osnivač i vlasnik ASA Prevent grupacije, koja posluje u 12 država svijeta i zapošljava 14.000 uposlenika. Skromnost, pravičnost i dostojanstvo su vrline koje krase ovog poduzetnika, vizionara i istinskog filantropa. U Bosni i Hercegovini ASA Prevent je najveća privatna kompanija sa 7500 uposlenih, te jedan od vodećih izvoznika.

Rođeni je Goraždanin, osnovno i srednje obrazovanje stekao je u Ustiprači i Goraždu kao đak generacije, a Ekonomski fakultet završio je u Sarajevu. Po završetku školovanja, zaposlio se u Tvornici automobila Sarajevo (TAS) i za 15 godina rada izrastao u menadžera izuzetnih sposobnosti, osobenog strateškog promišljanja i posebne poslovne filozofije. Poslovni put 1989. godine ga vodi u Wolfsburg, i to je bio početak nove priče – poduzetničke, razvojne, patriotske i filantsropske. Nenametljivo, polako i sigurno počinje izgradnja velikog poslovnog sistema ASA Preventa. U njegovim temeljima je vizija stabilnog, razvijenog i ekonomski snažnog društva. Ova grupacija je mnogim porodicama promijenila život.

S ciljem da promijeni živote još većem broju porodica, a posebice živote mladih ljudi, nastala je i Fondacija Hastor koja je tokom dvanaest godina rada prerasla u najveću fondaciju u BiH i regionu. Osnivač Fondacije, g. Hastor je shvatio da viziju stabilnog i ekonomski snažnog društva mogu jedino ostvariti obrazovani i ambiciozni mladi ljudi, pa se, stoga, ideja o osnivanju fondacije koja će pomagati

obrazovanje mladih ljudi i usmjeravati njihov potencijal ka domaćem tržištu, ispostavila istinskim rješenjem. Kroz proteklih 12 godina Fondacija je podržala preko 3000 mladih u cijeloj BiH i pomogla im da postanu uspješni i odgovorni građani, kako na lokalnom, tako i na globalnom nivou.

Pored podrške obrazovanju, g. Hastor kontinuirano učake u razvoj sporta, kulture i umjetnosti, te je među prvima prepoznao značaj Sarajevo Film Festivala za promociju bosanskohercegovačke filmske industrije. Stoga je Počasno srce Sarajeva još jedno priznanje predanosti i opredjeljenju ASA grupacije i njenog prvog čovjeka u podršci Bosni i Hercegovini te njenoj promociji na međunarodnoj sceni u segmentu ekonomije, ali i kulture.

Priznanje koje mu je uručeno g. Hastor posvetio je svojim uposlenicima i stipendistima, a prilikom dodjele na svečanoj pozornici kao zvijezde večeri gospodinu Hastoru su se pridružili i naši najmlađi stipendisti, Amina Salić i Edin Maksumić u ulozi ambasadora Fondacije Hastor, ali i vjesnika ljepe budućnosti za sve nas.



Fondacija Hastor uručila specijalno priznanje ambasadorici Cormack

Ambasadorica SAD-a pri Bosni i Hercegovini Nj. E. Maureen E. Cormack posjetila je početkom augusta sjedište ASA Prevent grupacije.



Prilikom posjete ambasadorica je imala priliku saznati više o historiji i globalnom prisustvu Grupacije, srednjoročnim razvojnim planovima, te razgovarati o novim investicijama. Istaknut je i ogroman doprinos ASA Prevent grupacije razvoju bh. privrede, posebno kada su u pitanju zapošljavanje i izvoz.

Ambasadorica Cormack posebno je bila impresionirana poslovanjem i filantropskim djelovanjem ASA Prevent grupacije, te je istakla da ovakve kompanije nude primjer dobre prakse, čak i u uvjetima nesigurnog poslovnog ambijenta.

Na kraju posjete, Fondacija Hastor i ASA Prevent grupacija dodijelili su ambasadorici Cormack posebno priznanje koje predstavlja izraz zahvalnosti i poštovanja za značajan doprinos i rad na unapređenju obrazovnog sistema i ekonomskih promjena.

„Fondacija Hastor i ASA Prevent grupacija dijele stav Ambasade SAD-a u BiH da su ekonomske reforme i reforma obrazovanja u BiH dugoročno najvažnije i najpotrebni reforme u Bosni i Hercegovini. Ambasadorica SAD-a je neumorno zagovarala nužnost ovih reformi, pokazala pravo liderstvo ispred međunarodne zajednice u BiH i današnje priznanje je samo mali znak pažnje kojim želimo potvrditi da pratimo istupe, dijelimo stavove i vrijednosti Ambasade SAD u BiH, te vjerujemo da ćemo dugoročno zajedno doprinijeti sprovođenju ovih važnih reformi u BiH. Izuzetno nam je zadovoljstvo što je baš ambasadorica SAD-a u BiH prvi dobitnik navedenog priznanja“, istakao je tom prilikom Seid Fijuljanin, direktor Fondacije.

Posebno smo zahvalni na intenzivnoj saradnji s Ambasatom SAD u Bosni i Hercegovini, pogotovo na posljednjem projektu u okviru kojeg Agencija za međunarodni razvoj SAD (USAID) s Prevent grupacijom i Fondacijom Hastor u Bugojnu provodi projekat prekvalifikacije nezaposlenih osoba u cilju zapošljavanja u industriji proizvodnje obuće.

UČIMO JEDNI OD DRUGIH

U subotu, 11. augusta, u prostorijama ASA Prevent grupacije održan je osmi po redu sastanak studenata stipendista Fondacije Hastor u 2018. godini. Ovomjesečni sastanak je zaista bio poseban i interesantan, s obzirom na to da su u prvom dijelu sastanka studenti imali priliku prisustvovati prezentaciji njihovih kolegica, studentica i stipendistkinja Fondacije Hastor, Emine Šljivak i Nerminu Ramić, koje su svoje znanje iz oblasti ekonomije odlučile podijeliti s prisutnim kolegama. U drugom dijelu sastanka studenti su imali priliku razgovarati s učiteljem Ramom o njegovoj knjizi, podijeliti utiske nakon čitanja te postavljati pitanja.

Sastanak je počeo Emininom i Nermininom prezentacijom na temu „Ponašanje potrošača“. Emina Šljivak i Nermina Ramić su studentice treće godine na Ekonomskom fakultetu Univerziteta u Tuzli i odlučile su da ostalim studentima stipendistima Fondacije Hastor prezentuju temu koja je povezana sa njihovim studijem i koju smatraju korisnom i interesantnom. Prezentacija je počela razgovorom o tome ko su zapravo potrošači te šta znači biti potrošač. Zatim su djevojke nastavile s obrazlaganjem pojmova usko povezanih s temom o kojoj su govorile, pa su nas upoznale s izrazom tzv. „kupovne moći potrošača“ te faktora koji utječu na potrošača i podstiču ga na potrošnju. Zajedno sa stipendistima razgovarale su o tome šta podrazumijeva izraz „ponašanje potrošača“ te su zajedno došli do odgovora kako je to proces koji podrazumijeva period prije, tokom i nakon kupovine, što je stipendiste navelo na diskusiju o tome koliko veliku ulogu u čitavom tom procesu igra odnos između osobe koja prodaje robu i kupca, odnosno između proizvođača i potrošača.

U sklopu prezentacije se također razgovaralo o tome da, pored potrebe, kod potrošača mora postojati i određena motivacija te kako ljudi često nisu svjesni svojih potreba onoliko koliko su svjesni svojih ciljeva. Djevojke su prezentaciju završile savjetom eksperata iz područja marketinga: najbolji oglas je zapravo zadovoljan potrošač, a s time su se i ostali stipendisti složili te pohvalili prezentaciju i odluku svojih kolegica da budu predavači tokom ovomjesečnog sastanka.

Drugi dio sastanka je protekao kroz razgovor o knjizi „Uči, piši...“, koju je učitelj Ramo predstavio na prošlomjesečnom sastanku, nakon čega su svi prisutni stipendisti dobili knjigu na poklon. Na ovom sastanku su imali priliku podijeliti utiske o knjizi nakon što su je pročitali, te su stipendisti izrazili svoje oduševljenje i uputili pohvale učitelju. Svi stipendisti koji su se javili izdvojili su ono što je za njih bilo posebno u ovoj knjizi, ono što je svakoga od njih najviše dotaklo; jednima se najviše dopao poetski dio knjige, drugima priče s učiteljevih putovanja i ljudi koji se spominju u sklopu tih priča, stvarni ljudi koji su u vrijeme kada su se te priče odvijale bili djeca, a koji su sada odrasli i izgrađeni ljudi. Treći su rekli kako su kroz ovu knjigu shvatili da se žele još više potruditi da svoje volonterske sastanke maksimalno iskoriste kako bi djeca zaista u isto vrijeme uživala, družila se i učila.

Učitelj Ramo je, podstaknut mišljenjima i komentarima stipendista, podijelio sa njima još nekoliko interesantnih i poučnih priča, detalja koji se odnose na priče u ovoj knjizi, kao i priča koje će biti dio naredne knjige. Kroz sve te priče, učitelj je konstantno pronalazio način da prisutnim stipendistima prenese neku pouku, poput toga da vježba čini majstora ili koliko je neophodno da radimo nešto što istinski volimo, pa je tako u jednoj ugodnoj i produktivnoj atmosferi protekao i ovaj sastanak studenata stipendista Fondacije Hastor.

Marina Cvjetković



STIPENDISTI FONDACIJE HASTOR UČESNICI ZENICA SUMMER FEST-A

Manifestacija „Ljeto u gradu“/„Zenica Summer Fest“ je zamišljena kao međunarodna kulturno-zabavna manifestacija, koja ima za cilj da tokom topnih ljetnih julske i avgustovske dana animira Zeničane i posjetioce iz drugih gradova Bosne i Hercegovine i regionala, naročito Zeničanke i Zeničane koji su rasuti po cijelom svijetu, ali koji su se tokom ljeta nalazili u Zenici. Program Summer Festa u periodu od 14. jula do 3. avgusta ponudio je niz kulturno-zabavnih sadržaja, a značaj ovakve manifestacije prepoznala je Prevent grupacija i Fondacija Hastor. Naime, 25. jula grupa stipendistkinja iz Busovače i Zenice u ulozi ambasadora Fondacije Hastor i Prevent grupacije doprinijele su realizaciji ideje „Baloni za svu djecu“.

S obzirom na to da je 25. juli bio posvećen mlađem uzrastu, Prevent grupacija je obezbijedila bojice, puzzle, majice i balone sa svojim logom, koje su stipendistkinje podijelile dječicama.

„Podijelile smo poslove ravnateljno kako bismo što uspešnije iskoristile sunčan dan. Bez sumnje, bili smo najprivlačniji štand. Djeca su s nestrpljenjem prilazila i jedva čekala da se baloni nadu u njihovim ručicama. Dok smo im pružale i bojice i puzzle uz balon, u njihovim očima se video sjaj. Djeca ne znaju lagati, njihova iskrena sreća izmamila je osmijeh i nama, ali i njihovim roditeljima. Slika nasmijanih i mržnjom nezatrovanih mladih bića, davala nam je nadu za bolje sutra“, s oduševljenjem je zaključila jedna od učesnica ove akcije, Nermana Hajdarević.

Džulisa Otuzbir



UČITELJEV KUTAK



Adelisu Sirčo i Senadu Podžić zatekoh u veoma radnoj atmosferi. Objašnjavaju mi kako su isplanirale današnje druženje. Rekoše mi da je ovo grupa srednjoškolaca koji pohađaju medresu. Otkrili su mi da su svi vrlodobri ili odlični učenici. Svi se utrukuju da ponešto kažu.

Aid mi reče: „Što više učim Kur'an, sve ga bolje razumijem.“ Irma mi reče: „Učenje Kur'ana me dovelo do toga da sam shvatila da je ono što znam tako malo u odnosu na ono što bih trebala znati.“

Eldina jedva dočeka da dođe do riječi, pa kaže: „Kad sam prvi put proučila Kur'an, bilo mi je nejasno, pisalo je: 'Treba pomagati svoje bliže', a onda dolazi tekst: 'Ne treba se zalagati ni za najbliže.' Kad sam više puta proučila Kur'an, onda sam shvatila da treba pomagati svakome kome je pomoći potrebna, ali prvo svoje bližnje u familiji, pa tek ostale, a ne treba ulagati svoj autoritet da zaštitiš izgrednike, pa i ako su ti najrođeniji, kao što su roditelji ili djeca.“

„Ja sam“, reče jedna učenica, „učeći Kur'an shvatila temelje zgrade dobra i zla. Roditelje poštujte i budite im pokorni. Svakom dajte njegovo pravo. Ne rasipajte. Čuvajte se pretjeranosti i nedotjeranosti i držite se sredine. Ne budite oholi. Ne kunate se lažno. Ne kradite. Ne slijedite slijepo što ne znate.“

Iskoristih njen predah da ih pohvalim za vrijedno učenje i obećah da će jednom doći najavljen, s više vremena da se družimo kad su ovako razgovorni i



druželjubivi. Pri odlasku rekoh Senadi da je dobro prenijela svoje znanje buduće učiteljice na ove učenike. Pozdravih se, pa krenuh dalje.

U Fojnici se Hasija Huseinbašić i Dalila Kršić 18. augusta 2018. godine druže sa srednjoškolcima stipendistima Fondacije Hastor koji su vrlo vrijedni učenici. Od njih 14, 5 učenika je završilo razred ostvarivši prosjek 5,00. Većina ih je angažovana u mjesnoj zajednici i Crvenom krstu gdje obavljaju različite volonterske dužnosti. Utrkuju se da kažu kako su osvojili najbolje ocjene.

Jedan učenik reče: „Učio sam da znam, učim jer me mole roditelji, učim jer me savjetuju nastavnici, a učim i zbog Fondacije Hastor, zbog druženja sa njenim stipendistima, a Boga mi i zbog stipendije i bonusa.“

Tri učenice su uspješno upisale fakultet, jer su imale petice iz svih predmeta. Rekoše da se raduju ovim sastancima i da su im Dalila i Hasija puno pomogle jer su im govorile kad i kako se uči. Imaju puno toga zapisanog što misle koristiti iduće godine, kada budu mentor. U tako interesantnom razgovoru i ne primijetih da vrijeme prođe. Pozdravih se i krenuh dalje.

Ramo Hastor





Muamer Duratbegović

Muamer je rođen u Novom Travniku, gdje je završio osnovnu, a potom i Srednju ekonomsku školu. U srednjoj školi pokazuje posebno interesovanje za historiju i knjigovodstvo, pa se na kraju srednje škole dvoumi da li da postane knjigovođa ili da se posveti izučavanju historije. S obzirom na to da je odlično savladao knjigovodstvo, svoje školovanje odlučuje nastaviti na Ekonomskom fakultetu u Zenici, smjer Računovodstveni i revizijski menadžment. Uspješno je završio tri godine studija, a poslije završetka prvog ciklusa studija, namjerava upisati i master studij na Ekonomskom fakultetu.

Istiće kako mu je dugogodišnje volontiranje u Fondaciji Hastor pomoglo da shvati da u budućnosti želi prenosi svoje znanje na mlade đake, pa mu je jedan od životnih ciljeva postati profesor ekonomske grupe predmeta. Poslije dobijanja zvanja diplomirani ekonomista, planira upisati kurs i stručno se usavršavati te dobiti status certificiranog računovođe.

Na osnovu svoga rada, truda i doprinosa radu Fondacije Hastor, titula ovomjesečnog stipendiste mjeseca ide u ruke Muamera Duratbegovića.

Razim Medinić



Kaćuni - izlet u prirodi



Etno-selo Kotromanićevu, Doboj



Posjeta Staračkom domu, Nedžarići, Sarajevo



Sarajevo



Sarajevo



Sarajevo



Travnik



Travnik

Na osnovu baze podataka utvrđeno je da su stipendisti i volonteri Fondacije Hastor u proteklom mjesecu zabilježili 14747 volonterskih sati. Kao i do sada, najveći broj volonterskih sati ostvaren je na volonterskim sastancima naših stipendista – studenata, srednjoškolaca i osnovaca na 270 volonterskih radionica u 60 općina širom Bosne i Hercegovine. Ovoj velikoj brojci doprinosi i volonterski angažman naših studenata koji volontiraju u administraciji i redakciji Fondacije Hastor, kao i angažman stipendista koji rade na razvoju i održavanju aplikacije Fondacije Hastor i naše web-stranice. Obavezna tema o kojoj su naši stipendisti diskutovali na svojim volonterskim druženjima proteklog mjeseca je „Važnost i moć obrazovanja“. Pored obavezne teme, stipendisti su obrađivali i druge interesantne teme, a naši studenti su dio volonterskih sati odvojili kako bi pomogli mlađim stipendistima da što bolje savladaju školsko gradivo.



Neke od najzanimljivijih tema:

“ Preko trnja do zvijezda - životni put uspješnih lidera ”

Razvoj tehnologije i njen utjecaj na svakodnevni život ”

“ Saobraćajna
(ne)kultura ”

Obrazovni sistem u BiH i drugim evropskim zemljama

Moć neformalnog obrazovanja

obrazovanje djece s posebnim
potrebama

“ NLP trening – VAKOG (visual, auditory, kinaesthetic, olfactory and gustatory) ”

Žene i fudbal ”

Otpad je i tvoj problem ”

Naši uzori ”

Uiza za budućnost (Kako osigurati bolju budućnost za sebe)


“ Uloga marketinga u radu velikih kompanija ”

Daj ideju za bolju atmosferu (radionica za povećanje kreativnosti)

„The hidden power of smiling“ ”

Općine u kojima su u proteklom mjesecu
održane volonterske radionice:





Vildana Halilović, OŠ „Nikola Tesla“, Prnjavor